



# IBSU

შპს - შავი ზღვის საერთაშორისო უნივერსიტეტი  
ხარისხის მართვის სისტემის დოკუმენტაცია

## სასწავლო პროცესის მარეგულირებელი წესი

დამტკიცებულია აკადემიური საბჭოს მიერ 23/08/2016წ. - გადაწყვეტილება №6 (დანართი №5)

### დამტკიცებულია

ქვემოთ მოცემული ხელმოწერები ადასტურებს, რომ აღნიშნული ინსტრუქცია წაკითხული და მიღებულია ხელმოწერის ავტორები ადასტურებენ, რომ ისინი ნამდვილად ფლობენ წინამდებარე დოკუმენტში არსებულ ინფორმაციას და უზრუნველყოფენ მასში ასახული პირობების განხორციელებას.

მოამზადა: იურიდიული სამსახური \_\_\_\_\_

შეამოწმა: ხარისხის მთლიანი მართვის საბჭო \_\_\_\_\_

დაამტკიცა: აკადემიური საბჭო \_\_\_\_\_

დოკუმენტის No: IBSU.R3G

ვერსია: 2.00

განახლების თარიღი: 06/09/2018

დამტკიცების თარიღი:

შემოწმებული ვერსია

შემოწმებული ვერსია

23/08/2016

შსსუ-ს კუთვნილი დოკუმენტაცია.

წინამდებარე დოკუმენტით სარგებლობამდე, დარწმუნდით, რომ აღნიშნულ დოკუმენტს აქვს საბოლოო განახლების ნომერი.

ცვლილების შეტანის სურვილის შემთხვევაში, ხარისხის მართვის საბჭოს წარუდგინეთ დოკუმენტის ცვლილების მოთხოვნის ფორმა.

**შინაარსი**

შეტანილი ცვლილებები .....	4
თავი I. ზოგადი დებულებები.....	7
მუხლი 1. საგანი და მოქმედების სფერო.....	7
მუხლი 2. ტერმინთა განმარტებები .....	7
თავი II. სტუდენტის სტატუსი.....	11
მუხლი 3. სტუდენტის ცნება .....	11
მუხლი 4. სტუდენტის სტატუსის მოპოვება .....	11
მუხლი 5. სტუდენტის სტატუსის შეჩერება .....	12
მუხლი 6. სტუდენტის სტატუსის შეწყვეტა .....	13
მუხლი 7. სტუდენტის სტატუსის აღდგენა.....	14
თავი III. მობილობა და განათლების აღიარება .....	17
მუხლი 8. მობილობის უფლება .....	17
მუხლი 9. შიდა მობილობა .....	17
მუხლი 10. მობილობა.....	18
მუხლი 11. მობილობის პროცედურა.....	19
მუხლი 12. საგანმანათლებლო პროგრამის შეცვლა ან გაუქმება .....	20
მუხლი 13. გაცვლითი პროგრამა .....	21
მუხლი 14. კრედიტების აღიარება .....	21
თავი IV. სტუდენტის უფლება-მოვალეობები.....	26
მუხლი 15. სტუდენტის უფლებები .....	26
მუხლი 16. სტუდენტური თვითმმართველობა.....	29
თავი V. სასწავლო პროცესი და სწავლის შედეგების შეფასება .....	30
მუხლი 17. აკადემიური კალენდარი .....	30
მუხლი 18. საგანმანათლებლო პროცესის ხანგრძლივობა.....	30
მუხლი 19. საგანმანათლებლო პროგრამები.....	31
მუხლი 20. კომპონენტის ტიპები:.....	31
მუხლი 21. რეგისტრაცია.....	31
მუხლი 22. სტუდენტის საიდენტიფიკაციო ბარათი .....	32
მუხლი 23. სწავლების ენა.....	33

მუხლი 24. საკრედიტო სისტემა .....	33
მუხლი 25. პრერეკვიზიტები.....	33
მუხლი 26. აკადემიური მრჩეველი .....	33
მუხლი 27. სხვა საგანმანათლებლო პროგრამიდან კომპონენტის აღება.....	33
მუხლი 28. კომპონენტის განმეორებით გავლა .....	34
მუხლი 29. პრაქტიკა .....	34
მუხლი 30. საბაკალავრო ნაშრომი.....	34
მუხლი 31. განმეორებითი სასწავლო კურსი.....	34
მუხლი 31 <sup>1</sup> . ინდივიდუალური სასწავლო გეგმა .....	35
თავი VI. შეფასება.....	36
მუხლი 32. შეფასების პრინციპები: .....	36
მუხლი 33. შეფასების მეთოდი და ფორმა .....	36
მუხლი 34. საგამოცდო ცენტრი .....	36
მუხლი 35. გამოცდები.....	37
მუხლი 36. შუალედური შეფასება .....	37
მუხლი 37. დასკვნითი შეფასება.....	38
მუხლი 38. აღდგენითი შუალედური გამოცდა/აღდგენითი დასკვნითი შეფასება .....	38
მუხლი 39. დამატებითი გამოცდა.....	38
მუხლი 40. სტუდენტის მიღწევების შეფასება .....	39
მუხლი 41. GPA და CGPA .....	40
თავი VII. აკადემიური ხარისხის მინიჭება.....	41
მუხლი 42. აკადემიური ხარისხის/კვალიფიკაციის მინიჭება .....	41
მუხლი 43. დიპლომი და დიპლომის დანართი.....	41
მუხლი 44. (ამოღებულია).....	41
მუხლი 45. დასკვნითი დებულებები.....	42
მუხლი 46. ძალაში შესვლა .....	42
მუხლი 47. შესრულებაზე ზედამხედველობა .....	42

**შეტანილი ცვლილებები**

№	გადაწყვეტილების მიმღები ორგანო	გადაწყვეტილების №	თარიღი
1.	აკადემიური საბჭო	4	12.01.2017
2.	აკადემიური საბჭო	9	22.08.2017
3.	აკადემიური საბჭო	16	19.12.2017
4.	აკადემიური საბჭო	21	18.01.2018
5.	აკადემიური საბჭო	6	12.03.2018
6.	აკადემიური საბჭო	10	11.06.2018
7.	აკადემიური საბჭო	11	29.06.2018
8.	აკადემიური საბჭო	15	06.09.2018

თავდაპირველი ვერსია: 23.08.2016

ცვლილებების ნუსხა

#	თარიღი	მუხლი	შენიშვნა
01	12.01.2017	2	სტილისტური შესწორება
02	22.08.2017	6	სტუდენტის სტატუსის შეწყვეტა
03	22.08.2017	7	სტატუსის აღდგენა
04	22.08.2017	9	სტილისტური შესწორება
05	22.08.2017	11	მობილობის პროცედურა
06	22.08.2017	12	ამოღებულ იქნა
07	22.08.2017	13	გაცვლითი პროგრამები
08	22.08.2017	14	კრედიტების აღიარება
09	22.08.2017	15	სტილისტური შესწორება
10	22.08.2017	17	სტილისტური შესწორება
11	22.08.2017	18	ამოღებულ იქნა 18.4 პუნქტი
12	22.08.2017	21	რეგისტრაცია
13	22.08.2017	28	შეფასების სისტემა
14	22.08.2017	29	ენობრივი შეცდომის შესწორება
15	22.08.2017	31	ენობრივი შეცდომის შესწორება
16	22.08.2017	31 <sup>1</sup>	ინდივიდუალური სასწავლო გეგმა
17	22.08.2017	33	შეფასების სისტემა
18	22.08.2017	36	შუალედური შეფასება
19	22.08.2017	37	შეფასების სისტემა
20	22.08.2017	39	შეფასების სისტემა
21	22.08.2017	43	დამთავრების ცნობა
22	22.08.2017	44	ამოღებულ იქნა
23	19.12.2017	11	მობილობის პროცედურა
24	18.01.2018	21	რეგისტრაცია
25	12.03.2018	4	ჩარიცხვა
26	12.03.2018	11	მობილობის პროცედურა

---

27	11.06.2018	36	შუალედური შეფასება
28	29.06.2018	4	სტუდენტის სტატუსის მოპოვება
29	06.09.2018	36	შუალედური შეფასება

---

## თავი I. ზოგადი დებულებები

### მუხლი 1. საგანი და მოქმედების სფერო

- 1.1. წინამდებარე დებულება არეგულირებს სტუდენტის სტატუსის მოპოვების, შეჩერებისა და შეწყვეტის, მობილობის, კრედიტების აღიარების საკითხებს, სტუდენტის უფლება-მოვალეობებს, სწავლის შედეგების შეფასებასა და სასწავლო პროცესთან დაკავშირებულ სხვა საკითხებს „უმაღლესი განათლების შესახებ“ საქართველოს კანონისა და შავი ზღვის საერთაშორისო უნივერსიტეტის (შემდგომში „შსსუ“) დებულებების შესაბამისად.
- 1.2. დებულება მოიცავს შსსუ-ს საბაკალავრო, სამაგისტრო და სადოქტორო საფეხურზე ჩარიცხულ ყველა სტუდენტთან დაკავშირებულ საკითხებს.

### მუხლი 2. ტერმინთა განმარტებები

- 2.1. აკადემიური კალენდარი: ყოველწლიურად, სასწავლო წლის დასაწყებამდე აკადემიური საბჭოა მტკიცებს აკადემიურ კალენდარს, რომელიც შეიცავს ინფორმაციას მომავალი სასწავლო წლის სასწავლო პერიოდისა და არდადეგების შესახებ;
- 2.2. ტექნიკური ხარვეზების შემოწმება: ფაკულტეტის/სამაგისტრო და სადოქტორო ინსტიტუტის საბჭოს მიერ განხორციელებული შესწავლის პროცესი, რომელიც ხორციელდება სტუდენტის განცხადების საფუძველზე და მოწმდება საგამოცდო საკითხებისა და შეფასების შესაბამისობა სილაბუსთან, აგრეთვე შეფასებების დაჯამების სისწორე;
- 2.3. საგანმანათლებლო პროგრამა (კურიკულუმი): უმაღლესი განათლების კვალიფიკაციის მისაღებად აუცილებელი სასწავლო კურსების/მოდულების ერთობლიობა, რომელშიც მოცემულია პროგრამი სმიზნები, სწავლის შედეგები, სასწავლო კურსები/მოდულები შესაბამისი კრედიტებით, სტუდენტთა შეფასების სისტემა და სასწავლო პროცესის ორგანიზების თავისებურებები.
- 2.4. მობილობა: შსსუ-ს სტუდენტების მიერ შსსუ-ს სხვა საგანმანათლებლო პროგრამაზე გადასვლა (შიდა მობილობა), ან სხვა უმაღლეს საგანმანათლებლო დაწესებულებაში გადასვლა (ტრანსფერი/გარე მობილობა), სხვა უმაღლესი საგანმანათლებლო დაწესებულებიდან შსსუ-ში გადმოსვლა (ტრანსფერი/გარე მობილობა);
- 2.5. აკადემიური საათი: 50 საკონტაქტო წუთი;

- 2.6. კრედიტი: ერთეული, რომელიც გამოხატავს სტუდენტისათვის საჭირო სასწავლო დატვირთვას და რომლის მიღებაც შესაძლებელია სწავლის შედეგების მიღების შემდეგ;
- 2.7. შუალედური გამოცდა: შუალედური შეფასების მიღების ერთ-ერთი კომპონენტი;
- 2.8. აღდგენითი შუალედური გამოცდა: გამოცდა, რომელსაც სტუდენტი აბარებს შუალედური გამოცდის გაცდენის შემთხვევაში, შუალედური გამოცდის გაცდენის საპატიო მიზეზის დამადასტურებელი დოკუმენტისა და ფაკულტეტის საბჭოს/სამაგისტრო და სადოქტორო ინსტიტუტის საბჭოს დადებითი გადაწყვეტილების არსებობის პირობის დაცვით;
- 2.9. დასკვნითი შეფასება: შეფასების ერთ-ერთი ფორმა;
- 2.10. დასკვნითი შეფასების აღდგენითი შეფასება: შეფასება, რომელსაც სტუდენტი მიიღებს დასკვნითი შეფასების ნაცვლად, დასკვნითი შეფასების გაცდენის საპატიო მიზეზის დამადასტურებელი დოკუმენტისა და ფაკულტეტის საბჭოს/სამაგისტრო და სადოქტორო ინსტიტუტის საბჭოს დადებითი გადაწყვეტილების არსებობის პირობის დაცვით;
- 2.11. დამატებითი გამოცდა: გამოცდა, რომელიც ცვლის დასკვნითი შეფასების შედეგს;
- 2.12. გაცვლითი საგანმანათლებლო პროგრამა: საგანმანათლებლო პროგრამა, რომელიც ხორციელდება შზსუ-სა და უცხო ქვეყნის კანონმდებლობის შესაბამისად აღიარებულ უმაღლეს საგანმანათლებლო დაწესებულებას შორის დადებული სტუდენტთა გაცვლის შესახებ ხელშეკრულების საფუძველზე და მიზნად ისახავს გაცვლითი საგანმანათლებლო პროგრამის მონაწილე სტუდენტის მიერ კრედიტების განსაზღვრული რაოდენობის დაგროვებას პარტნიორ უმაღლეს საგანმანათლებლო დაწესებულებაში/შზსუ-ში;
- 2.13. გაცვლითი საგანმანათლებლო პროგრამის მონაწილე სტუდენტი: შზსუ-ს ან უცხო ქვეყნის კანონმდებლობის შესაბამისად აღიარებული უმაღლესი საგანმანათლებლო დაწესებულების სტუდენტი, რომელიც გაცვლითი საგანმანათლებლო პროგრამის ფარგლებში აგროვებს კრედიტების განსაზღვრულ რაოდენობას პარტნიორ უმაღლეს საგანმანათლებლო დაწესებულებაში/შზსუ-ში;
- 2.14. პირველი საფეხური (ბაკალავრიატი): საგანმანათლებლო პროგრამა, რომელიც მოიცავს არანაკლებ 240 კრედიტს;
- 2.15. მეორე საფეხური (მაგისტრატურა): სასწავლო პროგრამა, რომელიც მოიცავს არანაკლებ 120 კრედიტს;



- 2.16. მესამე საფეხური (დოქტორანტურა): სასწავლო პროგრამა, რომელიც მოიცავს არანაკლებ 180 კრედიტს;
- 2.17. უსდ: უმაღლესი საგანმანათლებლო დაწესებულება;
- 2.18. სსს: სტუდენტთა საინფორმაციო სისტემა;
- 2.19. სმარტი: მუდლოზე დაფუძნებული სწავლის მენეჯმენტის სისტემა;
- 2.20. განმეორებითი სასწავლო კურსი: სასწავლო კურსი, რომელიც შეიძლება აღებულ იქნას სტუდენტის მიერ, სასწავლო კურსის ხელახლა გავლის გზით, GPA-ს გაუმჯობესების მიზნით.
- 2.21. საკონტაქტო საათი: საგანმანათლებლო პროგრამის კომპონენტის განმახორციელებელი პერსონალის ჩართულობით სტუდენტის სასწავლო საქმიანობისთვის განსაზღვრული დრო;
- 2.22. დამოუკიდებელი საათი: საგანმანათლებლო პროგრამის კომპონენტის განმახორციელებელი პერსონალის ჩართულობის გარეშე სტუდენტის სასწავლო საქმიანობის დრო;
- 2.23. საგანმანათლებლო პროგრამის კომპონენტები: სასწავლო კომპონენტი და სამეცნიერო-კვლევითი/კვლევითი კომპონენტი.
- 2.24. სასწავლო კომპონენტი: საგანმანათლებლო პროგრამის შემადგენელი ნაწილი, რომელიც წარმოდგენილია სასწავლო კურსის, მოდულის, პრაქტიკის, შემოქმედებითი/პრაქტიკული სახის პროექტის, საბაკალავრო კვლევითი პროექტის/ნაშრომის ან სხვა კომპონენტის სახით;
- 2.25. სამეცნიერო-კვლევითი კომპონენტი: მაგისტრატურის და დოქტორანტურის საგანმანათლებლო პროგრამის შემადგენელი ნაწილი, რომელიც წარმოდგენილია სამაგისტრო პროექტი/ნაშრომის, დისერტაციის ან სხვა სამეცნიერო პროექტის/ნაშრომის/აქტივობის სახით;
- 2.26. სტუდენტის სასწავლო დატვირთვა: დრო, რომელიც საჭიროა საგანმანათლებლო პროგრამით განსაზღვრული სწავლის შედეგების მისაღწევად. სტუდენტების სასწავლო დატვირთვა უნდა ეფუძნებოდეს დამოუკიდებელ და საკონტაქტო საათებს;
- 2.27. სწავლება-სწავლის მეთოდი: საგანმანათლებლო პროგრამის კომპონენტის განმახორციელებელი პირის მიერ სტუდენტისთვის, ცოდნის გადაცემის საშუალება, როგორცაა: ლექცია, სამუშაო ჯგუფში მუშაობა, პრაქტიკული მუშაობა, სემინარი, ელექტრონული რესურსით სწავლება, ელექტრონული სწავლება და სხვ., სწავლება-სწავლის მეთოდი შეიძლება მოიცავდეს შესაბამის აქტივობებს (დისკუსია, დებატები, დემონსტრირება, პრეზენტაცია, სემინარი და სხვ.).

- 2.28. შეფასების ფორმები: შეფასების ფორმებია შუალედური შეფასება (ერთჯერადი ან მრავალჯერადი) და დასკვნითი შეფასება, რომელთა ჯამი წარმოადგენს საბოლოო შეფასებას;
- 2.29. შეფასების კომპონენტი: შეფასების ფორმების ნაწილი, რომელიც განსაზღვრავს სტუდენტის ცოდნის ან/და უნარის ან/და კომპეტენციის შეფასების ხერხს/ხერხებს, რომელიც შეიძლება აერთიანებდეს შეფასების ერთგვაროვან მეთოდებს (ზეპირი/წერიტი გამოცდა, ზეპირი/წერიტი გამოკითხვა, აუდიოვიზუალური ნაწარმოების შექმნა, სპექტაკლი, პრაქტიკული/თეორიული სამუშაო და სხვ.);
- 2.30. შეფასების მეთოდი: საგანმანათლებლო პროგრამის კომპონენტში განსაზღვრული სწავლის შედეგების მიღწევის შესაფასებლად გამოსაყენებელი საშუალება/საშუალებები (ტესტი, ესე/ესეი, დემონსტრირება, პრეზენტაცია, დისკუსია, აუდიოვიზუალური, ნაწარმოების წარმოდგენა, სპექტაკლში მონაწილეობა/დადგმა, საკონცერტო შესრულება, პრაქტიკული/თეორიული დავალების შესრულება, სამუშაო ჯგუფური მუშაობა, დისკუსიაში მონაწილეობა, კაზუსის ამოხსნა, იმიტირებულ პროცესში მონაწილეობა, ობიექტურად სტრუქტურირებული კლინიკური გამოცდა და სხვ.);
- 2.31. შეფასების კრიტერიუმი: შეფასების მეთოდის საზომი ერთეული, რითაც დგინდება სწავლის შედეგების მიღწევის დონე.

## თავი II. სტუდენტის სტატუსი

### მუხლი 3. სტუდენტის ცნება

- 3.1. სტუდენტი არის პირი, რომელიც „უმაღლესი განათლების შესახებ“ საქართველოს კანონითა და შხსუ-ს დებულებებით განსაზღვრული წესით ჩაირიცხა და სწავლობს შხსუ-ში ბაკალავრიატის, მაგისტრატურის, დოქტორანტურის საგანმანათლებლო პროგრამის გასავლელად.

### მუხლი 4. სტუდენტის სტატუსის მოპოვება

- 4.1. საქართველოს მოქალაქეები
  - 4.1.1. განმცხადებელი ჩაირიცხება შხსუ-ს საბაკალავრო პროგრამაზე თუ მას გააჩნია სრული ზოგადი განათლების დამადასტურებელი დოკუმენტი, წარმატებით აქვს ჩაბარებული ერთიანი ეროვნული გამოცდები და მოპოვებული აქვს შხსუ-ში სწავლის უფლება „უმაღლესი განათლების შესახებ“ საქართველოს კანონის თანახმად.
  - 4.1.2. განმცხადებელი ჩაირიცხება შხსუ-ს სამაგისტრო პროგრამაზე თუ მას გააჩნია ბაკალავრის ან ბაკალავრთან გათანაბრებული აკადემიური ხარისხის დამადასტურებელი დოკუმენტი, წარმატებით აქვს ჩაბარებული საერთო სამაგისტრო გამოცდები და შხსუ-ს გამოცდა/გამოცდები.
  - 4.1.3. განმცხადებელი ჩაირიცხება შხსუ-ს სადოქტორო პროგრამაზე, თუ მას გააჩნია მაგისტრის ან მაგისტრთან გათანაბრებული აკადემიური ხარისხის დამადასტურებელი დოკუმენტი და წარმატებით აქვს ჩაბარებული შხსუ-ს გამოცდა/გამოცდები (ასეთის არსებობის შემთხვევაში) ან/და შესრულებული აქვს პროგრამის მოთხოვნები (ასეთის არსებობის შემთხვევაში).
  - 4.1.4. განმცხადებელი, შეიძლება ჩაირიცხოს პირველი და მეორე საფეხურის საგანმანათლებლო პროგრამაზე ერთიანი ეროვნული/საერთო სამაგისტრო გამოცდების ჩაბარების გარეშე საქართველოს კანონმდებლობის შესაბამისად.
- 4.2. უცხო ქვეყნის მოქალაქეები
  - 4.2.1. უმაღლესი განათლების პირველ და მეორე საფეხურზე უცხო ქვეყნის მოქალაქეები ირიცხებიან ერთიანი ეროვნული/საერთო სამაგისტრო გამოცდების ჩაბარების გარეშე საქართველოს კანონმდებლობის შესაბამისად.
  - 4.2.2. კანონმდებლობით დადგენილი მოთხოვნების გარდა, უმაღლესი

განათლების პირველ საფეხურზე ჩარიცხვის მიზნით, უცხო ქვეყნის მოქალაქეები გადიან გასაუბრებას პროგრამის სწავლების ენის შესაბამის ენაზე. უცხო ქვეყნის მოქალაქეები, უმაღლესი განათლების სამივე საფეხურზე ჩარიცხვისათვის ვალდებულები არიან ჩააბარონ საგანმანათლებლო პროგრამით გათვალისწინებული ყველა მისაღები გამოცდა.

*(ცვლილებები შეტანილია აკადემიური საბჭოს 2018 წლის 12 მარტის გადაწყვეტილებით, ოქმი №6)*

*(ცვლილებები შეტანილია აკადემიური საბჭოს 2018 წლის ივნისის გადაწყვეტილებით, ოქმი №11)*

- 4.3. თუ საქართველოს განათლებისა და მეცნიერების მინისტრის ბრძანების საფუძველზე ჩარიცხული სტუდენტების ჩარიცხვის პერიოდი დაემთხვევა სემესტრის 8-ე ან შემდგომ კვირებს, მათი ჩარიცხვა მოხდება მომდევნო სემესტრიდან.
- 4.4. ერთიანი ეროვნული გამოცდების რანჟირების დოკუმენტით განსაზღვრულ პირებთან ფორმდება ხელშეკრულება და მათი ჩარიცხვის თაობაზე გამოიცემა რექტორის ერთიანი აქტი.
- 4.5. შხსუ-ის სამაგისტრო პროგრამაზე ჩარიცხვასთან დაკავშირებული ყველა სხვა საკითხი მოწესრიგებულია „სამაგისტრო სწავლების დებულებით“(R4)
- 4.6. შხსუ-ის სადოქტორო პროგრამაზე ჩარიცხვასთან დაკავშირებული ყველა სხვა საკითხი მოწესრიგებულია „სადოქტორო სწავლებისა და სადისერტაციო საბჭოს დებულებით“(R5)
- 4.7. უცხო ქვეყნის მოქალაქებთან დაკავშირებული ყველა სხვა საკითხი მოწესრიგებულია „საერთაშორისო სტუდენტების ჩარიცხვის წესით“(R03I03)

## **მუხლი 5. სტუდენტის სტატუსის შეჩერება**

- 5.1. სტუდენტის სტატუსის შეჩერების საფუძვლებია:
  - 5.1.1. ორსულობა, მშობიარობა, ბავშვის მოვლა ან ჯანმრთელობის მდგომარეობის გაუარესება;
  - 5.1.2. ფინანსური დავალიანება;
  - 5.1.3. აკადემიური რეგისტრაციის გაუვლელიობა (გარდა გაცვლითი საგანმანათლებლო პროგრამის ფარგლებში სწავლისა);
  - 5.1.4. ფინანსური რეგისტრაციის გაუვლელიობა;
  - 5.1.5. უცხო ქვეყნის უმაღლეს საგანმანათლებლო დაწესებულებაში სწავლა (გარდა გაცვლითი საგანმანათლებლო პროგრამის ფარგლებში სწავლისა);
  - 5.1.6. პირადი განცხადება (მიზეზის მითითების გარეშე).

- 5.2. მმართველი საბჭოს გადაწყვეტილების საფუძველზე, რექტორის აქტით შესაძლებელია დადგინდეს გამონაკლისი 5.1.2 პუნქტიდან.
- 5.3. სტუდენტის სტატუსის შეჩერებიდან 5 წლის შემდეგ პირს უწყდება სტუდენტის სტატუსი, გარდა კანონმდებლობით გათვალისწინებული შემთხვევისა.
- 5.4. პირი, რომელსაც შეჩერებული აქვს სტუდენტის სტატუსი, არ განიხილება დაწესებულების სტუდენტების საერთო რაოდენობის ფარგლებში. სტუდენტთა რაოდენობის აღრიცხვის მიზნით, შხსუ უზრუნველყოფს საგანმანათლებლო დაწესებულებების რეესტრში სტუდენტის სტატუსის შეჩერების რეგისტრაციას.

## **მუხლი 6. სტუდენტის სტატუსის შეწყვეტა**

- 6.1. სტუდენტის სტატუსის შეწყვეტის საფუძვლებია:
  - 6.1.1. აკადემიური ხარისხის მინიჭება;
  - 6.1.2. სხვა უმაღლეს საგანმანათლებლო დაწესებულებაში გადასვლა;
  - 6.1.3. ერთი და იმავე სავალდებულო საგანში სამჯერ ჩაჭრა;
  - 6.1.4. (ამოღებულია)
  - 6.1.5. უნივერსიტეტის დისციპლინური ნორმების დარღვევა, რომლებიც “სტუდენტთა დისციპლინარული პასუხისმგებლობის მარეგულირებელი წესის“ (R7) შესაბამისად ითვალისწინებს სტუდენტის სტატუსის შეწყვეტას;
  - 6.1.6. ხუთი წლის განმავლობაში სტუდენტის სტატუსის შეჩერება;
  - 6.1.7. პირადი განცხადება;
  - 6.1.8. გარდაცვალება;
  - 6.1.9. კანონიერ ძალაში შესული სასამართლოს გამამტყუნებელი განაჩენი;
  - 6.1.10. წინამდებარე წესის 18.3 და 18.4 პუნქტებით განსაზღვრულ ვადებში საგანმანათლებლო პროგრამის დაუსრულებლობა.
- 6.2. სტუდენტის სტატუსის შეწყვეტის შესახებ სამართლებრივი აქტით გათვალისწინებული სამართლებრივი შედეგები დგება ბრძანების გამოცემიდან თორმეტი თვის შემდეგ. დროის ამ მონაკვეთში სტუდენტის სტატუსი ითვლება შეჩერებულად და სტუდენტი უფლებამოსილია ისარგებლოს მობილობის უფლებით.

- 6.3. სტუდენტის სტატუსის შეწყვეტის შემთხვევაში, მისი ხელახლა მოპოვება დასაშვებია კანონმდებლობით დადგენილი წესით.
- 6.4. სტუდენტის სტატუსის შეწყვეტასთან დაკავშირებული სხვა საკითხები მოწესრიგებულია საქართველოს კანონმდებლობით.

*(ცვლილებები შეტანილია აკადემიური საბჭოს 2017 წლის 22 აგვისტოს გადაწყვეტილებით, ოქმი N9)*

## **მუხლი 7. სტუდენტის სტატუსის აღდგენა**

- 7.1. სტუდენტი უფლებამოსილია აღიდგინოს სტუდენტის სტატუსი სტატუსის შეჩერებიდან 5 წლის განმავლობაში ან ისარგებლოს მობილობის უფლებით კანონმდებლობით დადგენილი წესით.
- 7.2. სტუდენტის სტატუსის აღდგენა ხდება რექტორის აქტით, სემესტრის მე-5 კვირამდე. სტუდენტის სტატუსის აღდგენის მოთხოვნით, სემესტრის მე-4 კვირის შემდეგ შხსუ-სთვის მიმართვის შემთხვევაში, სტუდენტის სტატუსი აღდგება მომდევნო სემესტრიდან.
- 7.3. მე-4 კვირის შემდეგ სტუდენტის სტატუსის აღდგენა შესაძლებელია განსაკუთრებული გარემოებების არსებობის შემთხვევაში, რომელზეც ფაკულტეტის/სამაგისტრო და სადოქტორო საბჭოს წარდგინების საფუძველზე გადაწყვეტილებას იღებს აკადემიური საბჭო.
- 7.4. თუ სტუდენტის სტატუსის აღდგენა მოხდა სალექციო პერიოდის დაწყების შემდეგ უნივერსიტეტი არ არის ვალდებული სტუდენტს აუნაზღაუროს გაცდენილი ლექციები ან/და შეფასების მისაღებად განხორციელებული აქტივობები.
- 7.5. ფინანსური დავალიანების გამო სტუდენტის სტატუსის შეჩერების შემთხვევაში, სტატუსის აღდგენა მოხდება დავალიანების დაფარვისთანავე, (დასკვნით შეფასებამდე), თუ სტუდენტმა სასწავლო კომპონენტის შუალედური შეფასებებიდან გადალახა/შესაძლებლობა აქვს გადალახოს შუალედური შეფასებისათვის დადგენილი მინიმალური კომპეტენციის ზღვარი ან დასკვნითი შეფასების შემდეგ.
- 7.6. სტუდენტი, რომელსაც შეუჩერდა სტუდენტის სტატუსი შხსუ-ს ერთ-ერთ საგანმანათლებლო პროგრამაზე და სტატუსის შეჩერების პერიოდში ისარგებლა შიდა მობილობით შხსუ-ს სხვა საგანმანათლებლო პროგრამაზე, მისი სტატუსი აღდგება შიდა მობილობის პერიოდში იმ საგანმანათლებლო პროგრამაზე, რომელზეც გადავიდა შიდა მობილობით.

- 7.7. სტუდენტი რომელიც გაირიცხა /ამორიცხა შხსუ-დან 2010 წლის 4 თებერვლამდე განიხილება სტატუს შეჩერებულ სტუდენტად და შეუძლია აღიდგინოს სტუდენტის სტატუსი 10 წლის განმავლობაში შხსუ-სთვის აღდგენის მოთხოვნით ან მობილობის უფლების გამოყენებით, თუ გარიცხვის/ამორიცხვის საფუძველი არ არის ამ წესით დადგენილი სტუდენტის სტატუსის შეწყვეტის საფუძველი.
- 7.8. წინამდებარე წესის 7.7 პუნქტის შესაბამისად გარიცხულმა/ამორიცხულმა სტუდენტმა სტატუსის აღდგენის მიზნით განცხადებით უნდა მიმართოს შხსუ-ს. განცხადებას როგორც წესი თან ერთვის შემდეგი დოკუმენტები:
- 7.8.1. ID ბარათის ასლი (უცხო ქვეყნის მოქალაქეებმა უნდა წარადგინონ პასპორტის ნოტარიულად დამოწმებული თარგმანი);
  - 7.8.2. ერთიანი ეროვნული გამოცდების სერტიფიკატი (თუ სტუდენტის ჩარიცხვა მოხდა ერთიანი ეროვნული გამოცდების საფუძველზე);
  - 7.8.3. სრული ზოგადი განათლების დამადასტურებელი დოკუმენტი/დოკუმენტი, რომელიც ადასტურებს უმაღლესი განათლების წინა საფეხურის დასრულებას;
  - 7.8.4. ორი ფოტო (3x4).
- 7.9. სტუდენტური სტატუსის აღდგენა ხორციელდება შემდგომი პროცედურების მეშვეობით:
- 7.9.1. ფაკულტეტი ქმნის სპეციალურ კომისიას, ფაკულტეტის დეკანის, ფაკულტეტის ხარისხის უზრუნველყოფის სამსახურის მენეჯერის და შესაბამისი პროგრამის ხელმძღვანელის შემადგენლობით. კომისია ავსებს შედარების აქტის ფორმას სტუდენტის სტატუსის აღდგენასთან დაკავშირებით.
  - 7.9.2. პროგრამის მოთხოვნებიდან გამომდინარე (რომელზედაც სტუდენტს სურს სტატუსის აღდგენა), კომისია განსაზღვრავს სტუდენტის მიერ გავლილ სასწავლო კურსებს (კრედიტების რაოდენობისა და მიღებული შეფასებების მითითებით); სემესტრს, რომლიდანაც სტუდენტმა უნდა გააგრძელოს სწავლა; სტუდენტის მიერ ასაღები კრედიტების დარჩენილ ოდენობას; სტუდენტის სწავლების ინდივიდუალურ გეგმას (საჭიროების შემთხვევაში);
  - 7.9.3. მომზადებული შედარების აქტი წარედგინება ფაკულტეტის საბჭოს დასამტკიცებლად, დამტკიცების შემდეგ მომზადებული შედარების აქტის ასლი წარედგინება ფაკულტეტის ხარისხის უზრუნველყოფის სამსახურს;

7.9.4. სტუდენტის სტატუსის აღდგენა ხდება რექტორის აქტის საფუძველზე, შედარების აქტში მითითებულ საფუძველებზე დაყრდნობით.

*(ცვლილებები შეტანილია აკადემიური საბჭოს 2017 წლის 22 აგვისტოს გადაწყვეტილებით, ოქმი N9)*



### თავი III. მობილობა და განათლების აღიარება

#### მუხლი 8. მობილობის უფლება

- 8.1. უნივერსიტეტის სტუდენტი უფლებამოსილია ისარგებლოს შიდა მობილობით (შხსუ-ს საგანმანათლებლო პროგრამებს შორის) და მობილობით (სხვა უმაღლეს საგანმანათლებლო დაწესებულებაში გადასვლის უფლებით) საქართველოს კანონმდებლობით დადგენილი წესის შესაბამისად.
- 8.2. მობილობა შესაძლებელია განხორციელდეს უმაღლესი განათლების ერთი საფეხურის ფარგლებში.
- 8.3. მობილობისა და შიდამობილობის უფლება სამაგისტრო პროგრამის სტუდენტს წარმოეშობა მხოლოდ იმ საგანმანათლებლო-პროგრამულ მიმართულებაზე, რომელსაც შეესაბამება მის მიერ ჩაბარებული საერთო სამაგისტრო გამოცდის ტესტის ტიპი.

#### მუხლი 9. შიდა მობილობა

- 9.1. შიდა მობილობა შესაძლებელია წელიწადში ორჯერ, აკადემიური სემესტრის დაწყებამდე.
- 9.2. შიდა მობილობის უფლება აქვს შხსუ-ს ნებისმიერ სტუდენტს, რომელიც შხსუ-ში სულ მცირე ერთი სემესტრის განმავლობაში სარგებლობდა სტუდენტის აქტიური სტატუსით, მათ შორის მათ, რომელთა სტატუსი შეჩერებულია შიდა მობილობის ვაკანტურ ადგილებზე რეგისტრაციის მომენტისათვის.
- 9.3. შიდა მობილობის უფლებით სარგებლობისათვის (კანონმდებლობით განსაზღვრული მოთხოვნების გარდა) სტუდენტი ვალდებულია შხსუ-ს შესაბამის ფაკულტეტს, შხსუ-ს მიერ განსაზღვრულ ვადებში, წარუდგინოს შემდეგი დოკუმენტები:
  - 9.3.1. განცხადება (R3.F13);
  - 9.3.2. ნიშნების ფურცლის ასლი;
- 9.4. შიდა მობილობის ვადები და თითოეულ საგანმანათლებლო პროგრამაზე ვაკანტური ადგილების რაოდენობა განისაზღვრება შხსუ-ს რექტორის ბრძანებით, შიდა მობილობის პროცესის დაწყებამდე სულ მცირე ერთი კვირით ადრე.
- 9.5. შიდა მობილობის ადმინისტრირება ხორციელდება შხსუ-ს მიერ.
- 9.6. მობილობის პროცედურა განსაზღვრულია ამ დებულების მე-11 მუხლით.

- 9.7. შხსუ ვალდებულია შიდა მობილობის დასრულების შემდეგ, მობილობის შედეგები აცნობოს სსიპ - განათლების ხარისხის განვითარების ეროვნულ ცენტრს კანონმდებლობით განსაზღვრული ვადების დაცვითა და პროცედურების შესაბამისად.

*(ცვლილებები შეტანილია აკადემიური საბჭოს 2017 წლის 22 აგვისტოს გადაწყვეტილებით, ოქმი N9)*

## **მუხლი 10. მობილობა**

- 10.1. მობილობის უფლება სტუდენტს წარმოეშობა უმაღლესი განათლების შესაბამის საფეხურზე სწავლების ერთი წლის შემდეგ. სწავლების პერიოდში არ შედის ის დრო, რომლის განმავლობაშიც პირს შეჩერებული ჰქონდა სტუდენტის სტატუსი.
- 10.2. სტუდენტმა, რომელმაც კანონმდებლობით დადგენილი წესით მოიპოვა შხსუ-ში მობილობით ჩარიცხვის უფლება, სსიპ-განათლების ხარისხის განვითარების ეროვნული ცენტრის მიერ განსაზღვრულ ვადებში უნდა მიმართოს უნივერსიტეტს და წარმოადგინოს შხსუ-ს მიერ მოთხოვნილი დოკუმენტაცია. განცხადებას, როგორც წესი, თან ერთვის შემდეგი დოკუმენტები:
- 10.2.1. დოკუმენტ(ებ)ის ასლი/ასლები რომელიც არეგულირებს სტუდენტურ სტატუსს(მაგ. ჩარიცხვის/აღდგენის/სტასტუსის შეჩერების/სტატუსის შეწყვეტის აქტი);
  - 10.2.2. უნივერსიტეტის უფლებამოსილი პირის ხელმოწერითა და ბეჭდით დამოწმებული ნიშნების ფურცელი (სასწავლო კომპონენტების კრედიტების რაოდენობისა და შეფასების მითითებით);
  - 10.2.3. პირის საიდენტიფიკაციო ბარათის (ID) ასლი;
  - 10.2.4. ერთიანი ეროვნული გამოცდების ბარათი/სერტიფიკატი (თუ სტუდენტის ჩარიცხვა მოხდა ერთიანი ეროვნული გამოცდების საფუძველზე);
  - 10.2.5. სრული ზოგადი განათლების დამადასტურებელი დოკუმენტი და/ან უმაღლესი განათლების წინა საფეხურის დასრულების დამადასტურებელი დოკუმენტის ასლი;
  - 10.2.6. ორი ფოტოსურათი (3X4);
  - 10.2.7. მამრობითი სქესის სტუდენტებისათვის: სამხედრო აღრიცხვაზე ყოფნის დამადასტურებელი დოკუმენტი;
- 10.3. სტუდენტი დამატებით ადგენს განცხადებას, რითაც ადასტურებს რომ ეთანხმება შედარების აქტში მოცემულ ინფორმაციას და მის სურვილს რომ სწავლა გააგრძელოს შხსუ-ში.

10.4. მობილობის პროცესის ადმინისტრირებას ახორციელებს სსიპ - განათლებისა ხარისხის განვითარების ეროვნული ცენტრი.

### მუხლი 11. მობილობის პროცედურა

11.1. მობილობის წესით გადმოსული სტუდენტის კრედიტების აღიარების მიზნით, შხსუ-ს ფაკულტეტის საბჭო ქმნის კომისიას, რომელშიც შეიძლება შედიოდნენ ფაკულტეტის დეკანი/ ფაკულტეტის ხარისხის უზრუნველყოფის სამსახურის მენეჯერი/ შესაბამისი პროგრამის ხელმძღვანელი, აგრეთვე ფაკულტეტის საბჭოს მიერ განსაზღვრული სხვა პირები. კომისია ავსებს შედარების აქტს და წარუდგენს ფაკულტეტის საბჭოს.

11.2. შიდა მობილობის შემთხვევაში ფაკულტეტის საბჭო უფლებამოსილია დააკმაყოფილოს ან უარი განაცხადოს მობილობის მსურველი სტუდენტის განცხადების დაკმაყოფილებაზე წინასწარ განსაზღვრული კრიტერიუმების მიხედვით (სტუდენტის აკადემიური მოსწრება, გასაუბრების შედეგები და/ ან პროგრამის სხვა მოთხოვნები მხედველობაში მიიღება შხსუ-ს საგანმანათლებლო პროგრამაზე კონკურსის არსებობის შემთხვევაში).

11.2<sup>1</sup> სტუდენტი უფლებამოსილია შხსუ-ს საგანმანათლებლო პროგრამაზე მობილობის წესით მოიპოვოს სტუდენტის სტატუსი იმ აუცილებელი პირობის გათვალისწინებით, რომ შესაბამისი კვალიფიკაციის მინიჭებისათვის კანონმდებლობით განსაზღვრული კრედიტების მთლიანი ოდენობის არანაკლებ 60 კრედიტი დააგროვოს ამ საგანმანათლებლო პროგრამაზე.

11.2<sup>2</sup> ქართულენოვანი საგანმანათლებლო პროგრამიდან ინგლისურენოვან საგანმანათლებლო პროგრამაზე მობილობის/შიდა მობილობის უფლებით სარგებლობისას, სტუდენტი ვალდებულია დაადასტუროს ინგლისური ენის B.2 დონე. შესაბამისი საერთაშორისო სერტიფიკატის წარმოდგენის ან ინგლისურ ენაში შხსუს გამოცდის ჩაბარების გზით.

*(ცვლილებები შეტანილია აკადემიური საბჭოს 2018 წლის 12 მარტის გადაწყვეტილებით, ოქმი N6)*

11.2<sup>3</sup> სტუდენტი უფლებამოსილია ქართულენოვან საგანმანათლებლო პროგრამიდან ინგლისურენოვან საგანმანათლებლო პროგრამაზე მობილობის/შიდა მობილობის წესით მოიპოვოს სტუდენტის სტატუსი იმ აუცილებელი პირობის გათვალისწინებით, რომ შესაბამისი კვალიფიკაციის მინიჭებისათვის კანონმდებლობით განსაზღვრული კრედიტების მთლიანი ოდენობის არანაკლებ ნახევარს დააგროვებს ამ საგანმანათლებლო პროგრამაზე.

*(ცვლილებები შეტანილია აკადემიური საბჭოს 2017 წლის 19 დეკემბრის გადაწყვეტილებით, ოქმი N16)*

- 11.3. სტუდენტისთვის კრედიტების აღიარება მოხდება ამ წესის მე-14 მუხლის მიხედვით.
- 11.4. სტუდენტ(ებ)თან ხელშეკრულების გაფორმების შემდეგ გამოიცემა რექტორის ბრძანება, ფაკულტეტის საბჭოს გადაწყვეტილების საფუძველზე, მობილობის წესით სტუდენტის ჩარიცხვის თაობაზე.
- 11.5. მობილობასთან დაკავშირებული ყველა სხვა საკითხი წესრიგდება საქართველოს კანონმდებლობის შესაბამისად.

*(ცვლილებები შეტანილია აკადემიური საბჭოს 2017 წლის 22 აგვისტოს გადაწყვეტილებით, ოქმი N9)*

## **მუხლი 12. საგანმანათლებლო პროგრამის შეცვლა ან გაუქმება**

- 12.1. საგანმანათლებლო პროგრამის შეცვლის შემთხვევაში, სტუდენტებისათვის უზრუნველყოფილია სწავლის გაგრძელების შესაძლებლობა შეცვლილი პროგრამის ფარგლებში მიღებული კრედიტების გათვალისწინებით. კერძოდ:
  - 12.1.1. საგანმანათლებლო პროგრამაში ცვლილებ(ებ)ის შეტანის დროს, პროგრამის ხელმძღვანელი ამზადებს დასკვნას, რომელშიც ეთითება ის დამატებული სავალდებულო კომპონენტ(ებ)ი, რომლ(ებ)ის გავლის ვალდებულებაც აქვს სტუდენტს, ცვლილებ(ებ)ის მიზანი, აგრეთვე ცვლილებ(ებ)ის ამოქმედების თარიღი/პერიოდი და შესაბამისი პირთა წრე;
  - 12.1.2. სტუდენტი ვალდებულია დაძლიოს პროგრამაში დამატებული სავალდებულო კომპონენტ(ებ)ი, თუ ამ კომპონენტ(ებ)ის დამატება გამოწვეულია შესაბამისი დარგის სიახლით ან განპირობებულია იმ აუცილებლობით, რომ მიღწეული იქნეს პროგრამით განსაზღვრული სწავლის შედეგები;
  - 12.1.3. სტუდენტის მიერ შეცვლილი პროგრამის ფარგლებში მიღებული კრედიტების აღიარება ხდება მე-14 მუხლით დადგენილი წესით.
- 12.2. საგანმანათლებლო პროგრამის გაუქმების შემთხვევაში, სტუდენტი უფლებამოსილია ისარგებლოს შიდა მობილობის ან მობილობის უფლებით.
- 12.3. (ამოღებულია)

*(ცვლილებები შეტანილია აკადემიური საბჭოს 2017 წლის 22 აგვისტოს გადაწყვეტილებით, ოქმი N9)*

### მუხლი 13. გაცვლითი პროგრამა

- 13.1. შსსუ ვალდებულია უცხო ქვეყნის უმაღლეს საგანმანათლებლო დაწესებულებასთან სტუდენტთა გაცვლის შესახებ ხელშეკრულების დადებამდე სსიპ - განათლების ხარისხის განვითარების ეროვნული ცენტრისგან მიიღოს წერილობითი ინფორმაცია აღნიშნული უმაღლესი საგანმანათლებლო დაწესებულების ამ ქვეყნის კანონმდებლობის შესაბამისად აღიარების შესახებ.
- 13.2. უცხო ქვეყნის კანონმდებლობის შესაბამისად აღიარებული უმაღლესი საგანმანათლებლო დაწესებულების გაცვლითი საგანმანათლებლო პროგრამის მონაწილე სტუდენტი, რომელსაც სტუდენტის სტატუსი მოპოვებული აქვს უცხო ქვეყანაში აღიარებულ უმაღლეს საგანმანათლებლო დაწესებულებაში, შსსუ-ში სწავლას აგრძელებს უმაღლესი განათლების შესაბამის საფეხურზე, შსსუ-ს რექტორის მიერ გამოცემული აქტის საფუძველზე.
- 13.3. გაცვლითი საგანმანათლებლო პროგრამის ფარგლებში შსსუ-დან უცხოეთში წასული გაცვლითი საგანმანათლებლო პროგრამის მონაწილე სტუდენტისათვის სტუდენტის სტატუსის შეჩერება არ ხდება.
- 13.4. გაცვლითი საგანმანათლებლო პროგრამის ფარგლებში უცხო ქვეყნიდან ჩამოსული გაცვლითი საგანმანათლებლო პროგრამის მონაწილე სტუდენტი შსსუ-ს არ ეთვლება მისთვის დადგენილ სტუდენტთა საერთო რაოდენობაში.
- 13.5. შსსუ-ს სტუდენტს გაცვლით პროგრამაში მონაწილეობასთან დაკავშირებულ, შესაბამის პროცედურულ საკითხებზე დახმარებას უწევს ფაკულტეტი და საერთაშორისო ურთიერთობების სამსახური.

*(გვლილებები შეტანილია აკადემიური საბჭოს 2017 წლის 22 აგვისტოს გადაწყვეტილებით, ოქმი N9)*

### მუხლი 14. კრედიტების აღიარება

- 14.1. შსსუ აღიარებს კრედიტებს რომელიც მოპოვებულია მობილობის, გაცვლითი პროგრამის მეშვეობით, ასევე სტუდენტის სტატუსის აღდგენისას შსსუ-ს დებულებისა და კანონმდებლობის შესაბამისად.
- 14.2. სტუდენტის მიერ სხვა საგანმანათლებლო პროგრამის (სტატუსის აღდგენის შემთხვევაში იმავე/სხვა საგანმანათლებლო პროგრამა) ფარგლებში მოპოვებული კრედიტების აღიარება ხორციელდება სტუდენტის მიერ გავლილი და სასურველი (პროგრამა რომელზეც სტუდენტმა მოიპოვა/აღიდგინა სტუდენტის სტატუსი) საგანმანათლებლო პროგრამების სწავლის შედარების საფუძველზე (სტუდენტის მიერ გავლილი კომპონენტის სილაბუსის შინაარსის ანალიზზე დაყრდნობით).

- 14.3. კრედიტების აღიარების მიზნებისათვის დგინდება შსსუ-ს მიერ შეთავაზებული საგანმანათლებლო პროგრამასთან სტუდენტის მიერ მობილობის/ გაცვლითი პროგრამის/ სტატუსის აღდგენის ფარგლებში მიღწეული სწავლის შედეგების თავსებადობა და მიიღება გადაწყვეტილება შესაბამისი კრედიტების აღიარების შესახებ.
- 14.4. კრედიტების აღიარების მიზნებისათვის შსსუ-ს საგანმანათლებლო პროგრამის თავისებურებებიდან გამომდინარე, განისაზღვრება სტუდენტის მიერ გავლილი კომპონენტები, რომლებიც სტუდენტს უღიარდება (კომპონენტისათვის მინიჭებული კრედიტისა და მიღებული შეფასების აღნიშვნით), სემესტრი, რომელშიც სტუდენტმა უნდა გაგრძელოს სწავლა და სტუდენტის ინდივიდუალური სასწავლო გეგმა (საჭიროების შემთხვევაში).
- 14.5. სტუდენტის მიერ ნასწავლ კომპონენტებსა და პროგრამის იმ კომპონენტებს შორის, რომელზეც სტუდენტს სურს ჩარიცხვა, შესაძლებელია კონცეპტუალური თავსებადობის დამყარება მიუხედავად კომპონენტების სახელწოდებების განსხვავებისა.
- 14.6. დასაშვებია თავისუფალი კომპონენტების ფარგლებში იმ კრედიტების აღიარება, რომელიც არ არის გათვალისწინებული შსსუ-ს საგანმანათლებლო პროგრამით.
- 14.7. შსსუ უფლებამოსილია აღიაროს აკადემიური უმაღლესი განათლების შესაბამისი საფეხურის საგანმანათლებლო პროგრამის ფარგლებში პირის მიერ მიღწეული სწავლის შედეგები აკადემიური უმაღლესი განათლების იმავე საფეხურის სხვა საგანმანათლებლო პროგრამის დაძლევიტ შესაბამისი კვალიფიკაციის მინიჭების მიზნებისათვის. კრედიტების აღიარება ხორციელდება წინამდებარე დოკუმენტით დადგენილი წესით.
- 14.8. შსსუ უფლებამოსილია, კანონმდებლობით დადგენილი წესით გაიანგარიშოს სტუდენტის დატვირთვა კრედიტებით იმ საგანმანათლებლო პროგრამის შემთხვევაში, რომელიც არ არის შესრულებული ევროპული კრედიტების ტრანსფერის სისტემის შესაბამისად.

- 14.9. კრედიტების აღიარება ფორმდება ფაკულტეტის საბჭოს გადაწყვეტილებით, კომისიის გადაწყვეტილების საფუძველზე. (კომისიაში შეიძლება შედიოდნენ ფაკულტეტის დეკანი/ ფაკულტეტის ხარისხის უზრუნველყოფის სამსახურის მენეჯერი/ შესაბამისი პროგრამის ხელმძღვანელი, აგრეთვე ფაკულტეტის საბჭოს მიერ განსაზღვრული სხვა პირები). ფაკულტეტის საბჭოს გადაწყვეტილებაში მიეთითება სტუდენტის მიერ გავლილი საგანმანათლებლო პროგრამის შესაბამისობა შსსუ-ს დაწესებულების პროგრამასთან სტუდენტის მიერ იმავე/სხვა პროგრამის ფარგლებში გავლილი საგანმანათლებლო პროგრამის შესაბამისობა შსსუ-ს პროგრამასთან, ასევე აღიარებული კრედიტების რაოდენობა.

**პროცედურა:**

- 14.10. კრედიტების აღიარების ზოგად ადმინისტრირებას ახდენს უნივერსიტეტის ხარისხის მართვის სამსახური.
- 14.11. კრედიტების აღიარება ხორციელდება შემდეგი წესების შესაბამისად:
- 14.11.1. სასწავლო კურსები, რომლებიც არ არის გათვალისწინებული შსსუ-ს თავსებადი საგანმანათლებლო პროგრამით, შეიძლება ჩათვლილი იქნეს როგორც თავისუფალი კომპონენტები (თუ პროგრამის სტრუქტურა ითვალისწინებს თავისუფალი კომპონენტების არსებობას).
  - 14.11.2. კრედიტის რაოდენობის დათვლისას (გარდა თავისუფალი კრედიტებისა), აღიარება ხდება იმ რაოდენობის შესაბამისად, რაც გათვალისწინებულია შსსუ-ს თავსებადი საგანმანათლებლო პროგრამის მიხედვით.
  - 14.11.3. პროგრამით გათვალისწინებული თავისუფალი კომპონენტების ფარგლებში კრედიტების აღიარება ხორციელდება შემდეგი წესით:

- 14.11.3.1. თუ კომპონენტი არ არის გათვალისწინებული შხსუ-ში მოქმედი არც ერთი საგანმანათლებლო პროგრამით, აღიარება ხორციელდება იმ რაოდენობით, რა რაოდენობაც მიანიჭა გამომშვებმა უმაღლესმა საგანმანათლებლო დაწესებულებამ;
- 14.11.3.2. თუ კომპონენტი გათვალისწინებულია შხსუ-ში მოქმედი რომელიმე საგანმანათლებლო პროგრამით აღიარება ხორციელდება შხსუ-ს შესაბამისი საგანმანათლებლო პროგრამით გათვალისწინებული კრედიტების რაოდენობის შესაბამისად.
- 14.11.4. თუ უმაღლესი საგანმანათლებლო დაწესებულება შეფასების სისტემისათვის იყენებდა საკრედიტო სისტემისაგან განსხვავებულ სისტემას, სტუდენტი ვალდებულია შხსუ-ს წარუდგინოს უმაღლესი საგანმანათლებლო დაწესებულების ოფიციალური დოკუმენტი, საკრედიტო სისტემასთან მისი სისტემის ეკვივალენტობის შესახებ.
- 14.11.5. თუ სტუდენტი ვერ წარმოადგენს 14.11.4 პუნქტში მითითებულ დოკუმენტს, მისი შეფასების საკრედიტო სისტემაში გადაყვანა მოხდება შხსუ-ს შესატყვისი შეფასების წესის მიხედვით:

ა) 5 ქულიანი შეფასების შემთხვევაში, გადაყვანა ხდება შემდეგი წესის გამოყენებით:

№	შეფასება	შხსუ-ს შესატყვისი შეფასება
1	„5“ - („ფრიადი“)	„95“ - („A“)
2	“4” - („კარგი“)	“71“- („C“)
3	“3” - („დამაკმაყოფილებელი“)	“61“ - („D“)
4	“2” - („არადამაკმაყოფილებელი“)	“0” - („F“)
5	„ჩათვლა“	შეესაბამება შხსუ-ს შესატყვისი შეფასების მიხედვით დაანგარიშებულ, სხვა სასწავლო კომპონენტებში მიღებული შეფასებების საშუალო არითმეტიკულს.

ბ) საკრედიტო სისტემის შესაბამისად მოცემული შეფასების (სადაც არ არის მითითებული ქულობრივი შეფასება და მოცემულია მხოლოდ „A” – “FX” შეფასება) გადაყვანა ხდება შემდეგი წესის გამოყენებით:

№	შეფასება	შხსუ-ს შესატყვისი შეფასება
1	“A”	“95“ - („A“)
2	“B”	“85“- („B“)
3	“C”	“75“- („C“)
4	“D”	“65“ - („D“)
5	“E”	“55” – („E“)
6	“F”/ “FX”	“0” – („F“)



- 14.11.6. აშშ-ს კრედიტის შხსუ-ს საკრედიტო სისტემაში კონვერტირების მიზნით, მინიჭებული კრედიტი მრავლდება ორზე.
- 14.11.7. წინამდებარე დებულების 14.11.5 და 14.11.6 პუნქტებისაგან განსხვავებული შეფასების სისტემის კონვერტაცია ხდება პროგრამის ხელმძღვანელის მიერ, ხარისხის უზრუნველყოფის სამსახურთან შეთანხმებით.
- 14.11.8. უცხოეთში სწავლის პერიოდში (სამეცნიერო ნაშრომის დასრულებამდე) სადოქტორო საგანმანათლებლო პროგრამის ფარგლებში შესრულებული კვლევითი კომპონენტის აღიარება ხდება შემდეგი წესების მიხედვით:
- 14.11.8.1. თუ კვლევითი კომპონენტი შეფასებულია/ მინიჭებული აქვს კრედიტი უცხო ქვეყნის უმაღლესი საგანმანათლებლო დაწესებულების მიერ, მისი აღიარება ხდება წინამდებარე წესის 14.11.1-14.11.6 პუნქტებით დადგენილი წესით.
- 14.11.8.2. თუ კვლევითი კომპონენტი არ არის შეფასებული/არ აქვს მინიჭებული კრედიტი, მისი შეფასება/ კრედიტის მინიჭება განხორციელდება შხსუ-ს თავსებადი სადოქტორო საგანმანათლებლო პროგრამით/შესაბამისი სასწავლო კურსის სილაბუსით განსაზღვრული წესის შესაბამისად.
- 14.12. კრედიტებს აღიარებასთან დაკავშირებული სხვა საკითხები რეგულირდება საქართველოს კანონმდებლობის შესაბამისად.

*(ცვლილებები შეტანილია აკადემიური საბჭოს 2017 წლის 22 აგვისტოს გადაწყვეტილებით, ოქმი N9)*

## თავი IV. სტუდენტის უფლება-მოვალეობები

### მუხლი 15. სტუდენტის უფლებები

#### 15.1. სტუდენტი უფლებამოსილია:

- 15.1.1. მიიღოს საგანმანათლებლო პროგრამის აკრედიტაციის სტანდარტების მოთხოვნების შესაბამისი უმაღლესი განათლება;
- 15.1.2. მიიღოს მონაწილეობა სამეცნიერო კვლევებში;
- 15.1.3. უნივერსიტეტის დებულებებით დადგენილი წესების შესაბამისად თანაბარ პირობებში ისარგებლოს უნივერსიტეტის მატერიალურ-ტექნიკური, საბიბლიოთეკო, საინფორმაციო და სხვა საშუალებებით;
- 15.1.4. საყოველთაო, პირდაპირი და თანასწორი არჩევნების საფუძველზე, ფარული კენჭისყრით აირჩიოს წარმომადგენელი ან თავად იქნეს არჩეული სტუდენტურ თვითმმართველობაში, ფაკულტეტისა და უნივერსიტეტის მმართველ ორგანოებში უნივერსიტეტის დებულებებით დადგენილი წესის შესაბამისად;
- 15.1.5. თავისუფლად დააფუძნოს და/ან გაწევრიანდეს სტუდენტურ ორგანიზაციაში თავისი ინტერესების შესაბამისად;
- 15.1.6. უნივერსიტეტის რეგულაციების შესაბამისად მიიღოს ფინანსური დახმარება, სხვა სახის შეღავათები;
- 15.1.7. თავისუფლად გამოხატოს თავისი აზრი და უარი თქვას იმი დეათა გაზიარებაზე, რომლებსაც სთავაზობენ სასწავლო პროცესში;
- 15.1.8. სწავლების მეორე წლიდან გადავიდეს სხვა უმაღლეს საგანმანათლებლო დაწესებულებაში საქართველოს კანონმდებლობითა და მიმღები დაწესებულების წესდებით დადგენილი წესით. აკრედიტირებულ პროგრამაზე გადასვლისას გადაიტანოს სახელმწიფო სასწავლო/სამაგისტრო გრანტი, კანონმდებლობით დადგენილი წესით;
- 15.1.9. ერთი აქტიური სემესტრის შემდეგ ისარგებლოს შიდა მობილობის უფლებით შხსუ-ს წესებისა და საქართველოს კანონმდებლობის შესაბამისად;
- 15.1.10. აირჩიოს საგანმანათლებლო პროგრამა, მონაწილეობა მიიღოს პროგრამის შემუშავებასა და ინდივიდუალური სასწავლო გეგმის შედგენაში;

- 15.1.11. პერიოდულად მიიღოს მონაწილეობა აკადემიური პერსონალის საქმიანობის შეფასებაში ხარისხის მართვის სამსახურთან თანამშრომლობით;
  - 15.1.12. ადმინისტრაციასთან შეთანხმებით მოახდინოს შეკრების ორგანიზება, რომელზეც დაცული იქნება საქართველოს კანონმდებლობა და უნივერსიტეტის დებულებები. სტუდენტთა შეკრება არ უნდა არღვევდეს უნივერსიტეტის წესრიგს და საგანმანათლებლო პროცესის მსვლელობას, კანონმდებლობას, უნივერსიტეტის წესებს;
  - 15.1.13. შემდეგი თანმიმდევრობით განიხილოს მისთვის საინტერესო საკითხი:
    - 15.1.13.1. სასწავლო პროცესის ადმინისტრატორთან;
    - 15.1.13.2. პროგრამის ხელმძღვანელთან;
    - 15.1.13.3. ფაკულტეტის დეკანთან.
  - 15.1.14. საგანმანათლებლო საკითხებზე წამოჭრილ პრობლემებზე წერილობით მიმართოს დეკანს, ხოლო სწავლის საფასურსა და სხვა ფინანსურ საკითხებზე - კანცლერს.
  - 15.1.15. მიიღოს სამართლიანი და ობიექტური შეფასება;
  - 15.1.16. ლექტორთან ერთად, განიხილოს საგამოცდო ნამუშევარი და მიიღოს უკუკავშირი, აგრეთვე სტუდენტთა საინფორმაციო სისტემაში ნიშნების შეტანის შემდეგ, გაასაჩივროს საგამოცდო ნამუშევარი;
  - 15.1.17. განახორციელოს შხსუ-ს დებულებებით, მასთან დადებული ხელშეკრულებითა და „უმაღლესი განათლების შესახებ“ საქართველოს კანონით მისთვის მინიჭებული სხვა უფლებები.
- 15.2. უნივერსიტეტი ვალდებულია უზრუნველყოს სამართლიანი და მიუკერძოებელი შეფასება, რისთვისაც ნერგავს შესაბამის პროცედურებს.
  - 15.3. სტუდენტის მიერ აკადემიური პერსონალის თანდასწრებით გამოთქმული პირადი ინფორმაცია, ასევე ინფორმაცია საკუთარი შეხედულებების, რწმენისა და პოლიტიკური მრწამსის შესახებ, რომელიც ამ უკანასკნელისთვის ცნობილი გახდა სასწავლო პროცესის მიმდინარეობისას, აგრეთვე ინფორმაცია სტუდენტის მიმართ დისციპლინური ღონისძიების გატარების შესახებ კონფიდენციალურია, გარდა იმ შემთხვევისა, თუ არსებობს სტუდენტის ნებართვა, ან ადმინისტრაციის კანონიერი ინტერესი დაიცვას სხვისი უსაფრთხოება და კანონით დაცული უფლებები.

- 15.4. დაუშვებელია უნივერსიტეტის მატერიალური და ტექნიკური საშუალებების გამოყენება, სტუდენტის აზრის გამოხატვის თავისუფლებისა და/ან ცენზურის დაწესების მიზნით.
- 15.5. უნივერსიტეტის აუდიტორიებში დამონტაჟებული ვიდეოკამერების მიზანია უნივერსიტეტის საკუთრებისა და უსაფრთხოების დაცვა.
- 15.6. კურიკულუმის გარეშე აქტივობების განხორციელების მიზნით, შხსუ ქმნის სამეცნიერო, სპორტის, კულტურული და სხვა სახის შემოქმედებითი-გასართობ ცენტრებს.
- 15.7. სტუდენტი ვალდებულია:
  - 15.7.1. ისწავლოს და განვითარდეს ინტელექტუალურად იმ შესაძლებლობის გამოყენებით, რომელსაც მას სთავაზობს უნივერსიტეტი პირადი ზრდის, განვითარებისა და წარმატებისათვის;
  - 15.7.2. დაეუფლოს მის მიერ არჩეულ და სავალდებულო კომპონენტებს საგანმანათლებლო პროგრამისა და უნივერსიტეტის დებულებების მოთხოვნების შესაბამისად;
  - 15.7.3. დაიცვას უნივერსიტეტის წესები. წესების არცოდნა არ წარმოადგენს სტუდენტის პასუხისმგებლობისაგან გათავისუფლების საფუძველს. ყველა სტუდენტი ვალდებულია გაეცნოს უნივერსიტეტის დებულებებს.
  - 15.7.4. დაიცვას სტუდენტსა და უნივერსიტეტს შორის ორმხრივი შეთანხმებიდან გამომდინარე ვალდებულებები;
  - 15.7.5. გაუფრთხილდეს და დაიცვას უნივერსიტეტის უძრავი და მოძრავი ქონება.
  - 15.7.6. იმოქმედოს გარემოს დაცვითი, ეკოლოგიური, სანიტარული, სახანძრო უსაფრთხოებისა და სხვა ზოგადი წესების შესაბამისად.
- 15.8. უნივერსიტეტს და სტუდენტს შორის არსებული ორმხრივი ვალდებულებები განსაზღვრულია უნივერსიტეტის დებულებებით, სტუდენტთან დადებული ხელშეკრულებითა და „უმაღლესი განათლების შესახებ“ საქართველოს კანონით.

*(ცვლილებები შეტანილია აკადემიური საბჭოს 2017 წლის 22 აგვისტოს გადაწყვეტილებით, ოქმი N9)*

**მუხლი 16. სტუდენტური თვითმმართველობა**

- 16.1. შპს - “შავი ზღვის საერთაშორისო უნივერსიტეტის“ სტუდენტური თვითმმართველობა არის „უმაღლესი განათლების შესახებ“ საქართველოს კანონის მოთხოვნათა დაცვით, შავი ზღვის საერთაშორისო უნივერსიტეტის (შემდგომში „შპს“) სტუდენტების მიერ საყოველთაო, თანასწორი, პირდაპირი და ფარული არჩევნების წესით არჩეული, უნივერსიტეტის შემადგენლობაში შექმნილი სტუდენტთა წარმომადგენლობითი ორგანო.
- 16.2. სტუდენტური თვითმმართველობასთან დაკავშირებული საკითხები განისაზღვრება „სტუდენტური თვითმმართველობის დებულებით“ (R08).

## თავი V. სასწავლო პროცესი და სწავლის შედეგების შეფასება

### მუხლი 17. აკადემიური კალენდარი

- 17.1. აკადემიური წელი შედგება შემოდგომის და გაზაფხულის სემესტრებისაგან და არდადეგებისაგან.
- 17.2. აკადემიური წელი მოიცავს მაქსიმუმ 12 თვეს უწყვეტად.
- 17.3. კომპონენტების ცხრილი, შემოდგომის და გაზაფხულის სემესტრებისთვის, განისაზღვრება აკადემიური საბჭოს მიერ დამტკიცებული აკადემიური კალენდრის მიხედვით.
- 17.4. ზოგიერთი კომპონენტი შეიძლება გაიხსნას ზაფხულში (ზაფხულის სემესტრი) საჭიროებისდა შესაბამისად. ზაფხულის სემესტრი განსაზღვრულ იქნება კონკრეტული ფაკულტეტის მიერ.

*(ცვლილებები შეტანილია აკადემიური საბჭოს 2017 წლის 22 აგვისტოს გადაწყვეტილებით, ოქმი N9)*

### მუხლი 18. საგანმანათლებლო პროცესის ხანგრძლივობა

- 18.1. საგანმანათლებლო პროცესი საბაკალავრო საფეხურზე ჩვეულებრივ მოიცავს 8 სემესტრს, სამაგისტრო საფეხურზე 4 სემესტრს, ხოლო სადოქტორო საფეხურზე 6 სემესტრს.
- 18.2. სასწავლო პროცესის ხანგრძლივობა არის პროგრამაზე ჩარიცხვისა (მინიჭებული/ადიარებული კრედიტების რაოდენობის გათვალისწინებით) და პროგრამის დასრულებას (სასწავლო გეგმის შესაბამისად) შორის პერიოდი.
- 18.3. თუ სტუდენტს არ შეუძლია სასწავლო პროგრამის დროულად დასრულება, მას აქვს შესაძლებლობა გააგრძელოს სასწავლო პროცესი თვითდაფინანსების საფუძველზე და შეინარჩუნოს სტუდენტის აქტიური სტატუსი საბაკალავრო პროგრამაზე დამატებით ოთხი წლის განმავლობაში, სამაგისტრო პროგრამაზე დამატებით ორი წლის და სადოქტორო პროგრამაზე დამატებით სამი წლის განმავლობაში.
- 18.4. (ამოღებულია)
- 18.5. სწავლის საფასური დამატებით სემესტრისათვის წარმოადგენს შესაბამისი წლის პირველკურსელი სტუდენტის მიერ გადასახდელი სწავლის საფასურის ოდენობას, სტუდენტთან გაფორმებული ხელშეკრულებით განსაზღვრული წესით.

*(ცვლილებები შეტანილია აკადემიური საბჭოს 2017 წლის 22 აგვისტოს გადაწყვეტილებით, ოქმი N9)*

**მუხლი 19. საგანმანათლებლო პროგრამები**

19.1. საგანმანათლებლო პროგრამის სტრუქტურა, სასწავლო კურსების ჩამონათვალი და კრედიტების რაოდენობა განისაზღვრება სასწავლო კურსების ხელმძღვანელის მიერ და პროგრამის ხელმძღვანელის მიერ, რომელიც მტკიცდება „საგანმანათლებლო პროგრამების შემუშავების ინსტრუქციით“(R036I02G).

**მუხლი 20. კომპონენტის ტიპები:**

20.1. უნივერსიტეტში არის ორი ტიპის კომპონენტი:

20.1.1. სავალდებულო;

20.1.2. არჩევითი.

**მუხლი 21. რეგისტრაცია**

21.1. ყოველი სემესტრის დასაწყისში რეგისტრაციის პროცესის ადმინისტრირებას ახდენს ფაკულტეტის/სამაგისტრო და სადოქტორო სწავლების ინსტიტუტის სასწავლო პროცესის ადმინისტრატორი და სტუდენტურ საქმეთა განყოფილება. რეგისტრაციის პროცესი მოიცავს აკადემიურ რეგისტრაციას (კომპონენტებზე დარეგისტრირება) და ფინანსურ რეგისტრაციას - უნივერსიტეტის დებულებებისა და სტუდენტთან გაფორმებული ხელშეკრულების (შეთანხმების) შესაბამისად სწავლის საფასურის დაფარვას.

21.2. კომპონენტებზე დარეგისტრირების მიზნით, აკადემიური კალენდრით განსაზღვრულ პერიოდში სტუდენტებს ეხსნებათ წვდომა მონაცემთა ბაზაზე. კომპონენტზე რეგისტრაციის პროცესი სრულდება სტუდენტის მიერ რეგისტრაციის დადასტურებით (რეგისტრაციის კვირა).

*(ცვლილებები შეტანილია აკადემიური საბჭოს 2018 წლის 18 იანვრის გადაწყვეტილებით, ოქმი N1)*

21.3. რეგისტრაციის კვირის დასრულებიდან ორი კვირის განმავლობაში სტუდენტს შეუძლია დაამატოს, შეცვალოს ან წაშალოს არჩეული კომპონენტი შუსუ-ს დებულების შესაბამისად (სათადარიგო კვირა).

21.4. თუ სტუდენტმა ვერ გაიარა აკადემიური რეგისტრაცია რეგისტრაციის კვირაში, ის უფლებამოსილია აკადემიური რეგისტრაცია გაიაროს სათადარიგო კვირაში.

21.5. საპატიო მიზეზის არსებობისას, ფაკულტეტის/სამაგისტრო და სადოქტორო სწავლების ინსტიტუტის საბჭოს გადაწყვეტილების საფუძველზე, რეგისტრაციის გავლა აგრეთვე შესაძლებელია სათადარიგო კვირის დასრულებიდან ერთი კვირის განმავლობაში.

- 21.6. აკადემიური და ფინანსური რეგისტრაცია შესაძლებელია განხორციელდეს 21.2-21.5 პუნქტებისაგან განსხვავებულ ვადებში თუ სტუდენტის სტატუსის აღდგენა მოხდა სემესტრის დაწყების შემდეგ, წინამდებარე წესის მე-7 მუხლის შესაბამისად.
- 21.7. არჩევითი კომპონენტის გახსნისათვის საჭიროა სულ მცირე 10 სტუდენტის (ან დამამატავრებელი კურსის 5 სტუდენტის) დარეგისტრირება. სხვა შემთხვევაში სტუდენტს პროგრამის ფარგლებში შესთავაზებენ კომპონენტს პრერეკვიზიტის სისტემისა და წლიური საკრედიტო დატვირთვის მოთხოვნების გათვალისწინებით.
- 21.8. დამატებითი სპეციალობის (მაინორის) გახსნისათვის საჭიროა სულ მცირე 10 სტუდენტის დარეგისტრირება. გამონაკლისი შესაძლებელია დადგინდეს დამატებითი სპეციალობის (მაინორის) განმახორციელებელი ფაკულტეტის საბჭოს წარდგინებით, მმართველი საბჭოს გადაწყვეტილების საფუძველზე.
- 21.9. თუ სტუდენტი არ დარეგისტრირდება 21.2 – 21.6 პუნქტების შესაბამისად, სტუდენტის სტატუსი შეჩერდება.
- 21.10. სტუდენტს უფლება აქვს აიღოს სემესტრში 30 კრედიტზე მეტი (წლიწადში არაუმეტეს 75 კრედიტი) თუ აღნიშნული:
- 21.10.1. განპირობებულია საგანმანათლებლო პროგრამის თავისებურებებით.
  - 21.10.2. განპირობებულია სტუდენტის ინდივიდუალური პროგრამის თავისებურებით:
    - ა) გაცვლით პროგრამებში მონაწილეობით;
    - ბ) მობილობით/შიდა მობილობის წესით გადმოსვლით;
    - გ) კომპონენტში ჩაჭრით;
    - დ) სტუდენტის სურვილით სემესტრის განმავლობაში აიღოს დამატებითი კომპონენტი(ები);
    - ე) (ამოღებულია)
    - ვ) ფაკულტეტის/სამაგისტრო და სადოქტორო სწავლების ინსტიტუტის საბჭოს მიერ სხვა ობიექტურ სააფუძვლად მიჩნეული გარემოებით;

*(ცვლილებები შეტანილია აკადემიური საბჭოს 2017 წლის 22 აგვისტოს გადაწყვეტილებით, ოქმი N9)*

## **მუხლი 22. სტუდენტის საიდენტიფიკაციო ბარათი**

- 22.1. უნივერსიტეტი სტუდენტებს უზრუნველყოფს საიდენტიფიკაციო ბარათით, რომელიც ახდენს სტუდენტის იდენტიფიცირებას შხსუ-სთან.



**მუხლი 23. სწავლების ენა**

- 23.1. სწავლების ენა შხსუ-ში არის ინგლისური, ქართული და თურქული.

**მუხლი 24. საკრედიტო სისტემა**

- 24.1. აკადემიური პროგრამები შემუშავებულია ტრანსფერისა და დაგროვების ევროპული საკრედიტო სისტემის მოთხოვნების შესაბამისად.
- 24.2. სტუდენტის საშუალო წლიური დატვირთვა არის 60 კრედიტი - 1500 საათი (1 კრედიტი არის 25 საათი და მოიცავს საკონტაქტო და დამოუკიდებელი მუშაობის საათებს). სტუდენტის სემესტრული დატვირთვა არის 30 კრედიტი. საგანმანათლებლო პროგრამის ან/და სტუდენტის ინდივიდუალური სასწავლო პროგრამის თავისებურებების გათვალისწინებით, დასაშვებია სტუდენტის სასწავლო წლიური დატვირთვა აღემატებოდეს 60 კრედიტს ან იყოს 60 კრედიტზე ნაკლები. დაუშვებელია სტუდენტის სასწავლო წლიური დატვირთვა აღემატებოდეს 75 (ECTS) კრედიტს.
- 24.3. საგანმანათლებლო პროგრამები საბაკალავრო საფეხურზე მოიცავს არანაკლებ 240 კრედიტს, სამაგისტრო საფეხურზე არანაკლებ - 120 კრედიტს და სადოქტორო საფეხურზე - არანაკლებ 180 კრედიტს.

**მუხლი 25. პრერეკვიზიტები**

- 25.1. სტუდენტი რომელიც ჩაიჭრა პრერეკვიზიტ კომპონენტში, ვერ დარეგისტრირდება მის მომდევნო კომპონენტზე.

**მუხლი 26. აკადემიური მრჩეველი**

- 26.1. სტუდენტისათვის კომპონენტზე დარეგისტრირებისა და სასწავლო პროცესთან დაკავშირებულ ნებისმიერ საკითხზე კონსულტაციისა და დახმარების გაწევაზე პასუხისმგებელი პირი არის ფაკულტეტის/სამაგისტრო და სადოქტორო ინსტიტუტის სასწავლო პროცესის ადმინისტრატორი.

**მუხლი 27. სხვა საგანმანათლებლო პროგრამიდან კომპონენტის აღება**

- 27.1. სავალდებულო კომპონენტზე დარეგისტრირება სტუდენტის პრიორიტეტს წარმოადგენს. ამასთან, სტუდენტი უფლებამოსილია სხვა საგანმანათლებლო პროგრამიდან აირჩიოს კომპონენტი პრერეკვიზიტების მოთხოვნების, სტუდენტთა მაქსიმალური რაოდენობის, კრედიტების ლიმიტისა და თავისუფალი კრედიტის ფარგლების გათვალისწინებით. აკადემიურმა მრჩეველმა სტუდენტს უნდა გაუწიოს შესაბამისი კონსულტაცია სხვა საგანმანათლებლო პროგრამიდან კომპონენტის არჩევასთან დაკავშირებით.

**მუხლი 28. კომპონენტის განმეორებით გავლა**

28.1. თუ სტუდენტი ვერ გადალახავს შუალედური შეფასებისათვის დადგენილი მინიმალური კომპეტენციის ზღვარს, იგი არ არის უფლებამოსილი მიიღოს დასკვნითი შეფასება. შესაბამისად, მან თავიდან უნდა გაიაროს კომპონენტი. თუ სტუდენტის ჯამური ქულა (შუალედული შეფასებებისა და დასკვნითი შეფასების ჯამი) არის 41 ქულაზე ნაკლები, ან მან ვერ გადალახა დასკვნითი შეფასებისათვის/დამატებითი გამოცდისათვის დაწესებული მინიმალური კომპეტენციის ზღვარი სტუდენტმა თავიდან უნდა შეისწავლოს კომპონენტი.

28.2. თუ ჩაჭრილი კომპონენტი არის სავალდებულო, სტუდენტმა თავიდან უნდა გაიაროს აღნიშნული კომპონენტი. თუ ჩაჭრილი კომპონენტი არის არჩევითი - სტუდენტი უფლებამოსილია მის ნაცვლად აიღოს სხვა არჩევითი კომპონენტი, თუ საგანმანათლებლო პროგრამის თავისებურებებიდან სხვა რამ არ გამომდინარეობს.

*(ცვლილებები შეტანილია აკადემიური საბჭოს 2017 წლის 22 აგვისტოს გადაწყვეტილებით, ოქმი N9)*

**მუხლი 29. პრაქტიკა**

29.1. პრაქტიკა ხორციელდება შესაბამისი საგანმანათლებლო პროგრამის მოთხოვნებისა და „პრაქტიკის ინსტრუქციის“ (R03I07) შესაბამისად.

*(ცვლილებები შეტანილია აკადემიური საბჭოს 2017 წლის 22 აგვისტოს გადაწყვეტილებით, ოქმი N9)*

**მუხლი 30. საბაკალავრო ნაშრომი**

30.1. საბაკალავრო ნაშრომის მომზადება ხორციელდება შესაბამისი საგანმანათლებლო პროგრამის მოთხოვნებისა და „საბაკალავრო ნაშრომის ინსტრუქციის“ (R03I13) შესაბამისად.

**მუხლი 31. განმეორებითი სასწავლო კურსი**

31.1. GPA-ს გაუმჯობესების მიზნით, უფლებამოსილია გაიუმჯობესოს მიღებული დადებითი შეფასება არაუმეტეს სამი სასწავლო კურსის განმეორებით გავლის გზით.

31.2. აღნიშნულ სასწავლო კურსზე დარეგისტრირების მიზნით, სტუდენტს უკვე მინიჭებული უნდა ჰქონდეს კრედიტი შესაბამის სასწავლო კომპონენტში, რომლის გავლასაც აპირებს ხელმეორედ.

31.3. განმეორებითი სასწავლო კურსის აღებასთან დაკავშირებული ფინანსური ვალდებულებები, დამატებითი სასწავლო კომპონენტის აღებისას წარმოშობილი ფინანსური ვალდებულებების მსგავსია.

- 31.4. განმეორებით სასწავლო კურსზე დარეგისტრირება ხორციელდება რეგისტრაციის კვირაში, სასწავლო კომპონენტზე რეგისტრაციისათვის დადგენილი წესების დაცვით.
- 31.5. განმეორებით სასწავლო კურსში მიღებული შეფასება ცვლის წინა სასწავლო კურსში მიღებულ შეფასებას.

*(ცვლილებები შეტანილია აკადემიური საბჭოს 2017 წლის 22 აგვისტოს გადაწყვეტილებით, ოქმი N9)*

### **მუხლი 31<sup>1</sup>. ინდივიდუალური სასწავლო გეგმა**

- 31<sup>1</sup>.1 ინდივიდუალური სასწავლო გეგმით შზსუ უზრუნველყოფს სტუდენტის განსხვავებული მოთხოვნების, სპეციალური საგანმანათლებლო საჭიროებებისა და აკადემიური მომზადების გათვალისწინებით სწავლა-სწავლების, შეფასების სათანადო ფორმებისა და პირობების შეთავაზებას, ასევე სასწავლო პროცესის ადაპტირებულ გარემოში განხორციელების შესაძლებლობას და, საჭიროების შემთხვევაში, შესაბამისი ადამიანური რესურსით უზრუნველყოფას.
- 31<sup>1</sup>.2. ინდივიდუალური სასწავლო გეგმის შემუშავების შესახებ გადაწყვეტილებას იღებს ფაკულტეტის საბჭო, სტუდენტის და/ან შესაბამისი კომპონენტის განმახორციელებელი პირის მოთხოვნის საფუძველზე.
- 31<sup>1</sup>.3. ინდივიდუალურ სასწავლო გეგმას შეიმუშავებს პროგრამის ხელმძღვანელი, ხარისხის უზრუნველყოფის სამსახურთან შეთანხმებით, ამ მუხლის 31<sup>1</sup>.1 პუნქტის გათვალისწინებით.

*(ცვლილებები შეტანილია აკადემიური საბჭოს 2017 წლის 22 აგვისტოს გადაწყვეტილებით, ოქმი N9)*

## თავი VI. შეფასება

### მუხლი 32. შეფასების პრინციპები:

- 32.1. გამჭვირვალობა – ინფორმაცია შეფასების მეთოდებსა და კრიტერიუმებზე ხელმისაწვდომი ყველასათვის. სტუდენტ ს სემესტრის დასაწყისშივე ეცნობება როდის და რა კრიტერიუმებით შეფასდება მისი ცოდნა;
- 32.2. სისტემატიურობა - შეფასება არ არის ერთჯერადი აქტი, ის პროცესია, რომელიც სტუდენტს გამოუმუშავებს მუდმივ მზადყოფნას გამოავლინოს საკუთარი ცოდნა და უნარი, ხოლო სასწავლო კურსის ხელმძღვანელს - განახორციელოს მონიტორინგი სტუდენტის ცოდნის შექმნისა და განვითარების პროცესზე;
- 32.3. სამართლიანობა - სტუდენტის ცოდნის შეფასებისადმი ერთიანი სტანდარტებით ხდება მიდგომა.

### მუხლი 33. შეფასების მეთოდი და ფორმა

- 33.1. შეფასების მაქსიმალური ქულა არის 100.
- 33.2. საბაკალავრო, სამაგისტრო და სადოქტორო პროგრამებზე, კრედიტის მისანიჭებლად მინიმალური ქულა არის 51. აღნიშნული ქულა შედგება შუალედური და დასკვნითი შეფასებების ქულათა ჯამისაგან. ამასთან სტუდენტს გადალახული უნდა ჰქონდეს შუალედური და დასკვნითი შეფასებებისათვის დადგენილი მინიმალური კომპეტენციის ზღვრები.
- 33.3. თითოეული კომპონენტისათვის შეფასების ფორმა, კომპონენტები, მეთოდი და კრიტერიუმი ასახულია შესაბამის სილაბუსში და ხელმისაწვდომია სტუდენტისთვის სემესტრის დასაწყისში. სილაბუსი ატვირთულია სმარტზე.

*(გვლილებები შეტანილია აკადემიური საბჭოს 2017 წლის 22 აგვისტოს გადაწყვეტილებით, ოქმი N9)*

### მუხლი 34. საგამოცდო ცენტრი

- 34.1. საგამოცდო ცენტრი პასუხისმგებელია:
  - 34.1.1. წერით გამოცდის ჩატარებასა და ორგანიზებაზე.
  - 34.1.2. ზეპირი გამოცდის ტექნიკური ნაწილის ორგანიზებაზე (გარდა საგამოცდო კომისიის ფორმირების ნაწილისა).
- 34.2. საგამოცდო ცენტრთან დაკავშირებული ყველა საკითხი მოწესრიგებულია „გამოცდების ჩატარების წესით“ (R03.I01).

**მუხლი 35. გამოცდები**

- 35.1. შუალედური, დასკვნითი, აღდგენითი და დამატებითი გამოცდები შესაძლებელია ჩატარდეს წერილობითი, ზეპირი ან შერეული ფორმით.
- 35.2. ზეპირი გამოცდა შესაძლებელია ჩატარდეს ლექტორის ან ლექტორის სურვილით კომისიის მიერ.
- 35.3. კომისიის ჩართულობით ზეპირი გამოცდა ტარდება შემდეგი წესით:
  - 35.3.1. კომისია იქმნება ფაკულტეტის/სამაგისტრო და სადოქტორო სწავლების ინსტიტუტის საბჭოს მიერ სამი წევრისაგან. კომისიაში უნდა შედიოდნენ შესაბამისი სასწავლო კურსის ლექტორი და იმავ/მომიჯნავე დარგის სპეციალისტები, რომლებიც ავტორიზირებულ უმაღლეს საგანმანათლებლო დაწესებულებაში უძღვებიან სალექციო კურსებს;
  - 35.3.2. ზეპირი გამოცდა ტარდება შესაბამისი სასწავლო კურსის განხორციელების ენაზე;
  - 35.3.3. კომისიის წევრები სტუდენტის შეფასებას ახდენენ ინდივიდუალურად, სასწავლო კურსის სილაბუსში მოცემული შესაბამისი გამოცდის შეფასების რუბრიკის მიხედვით;
  - 35.3.4. დასკვნითი შეფასება აისახება ოქმში.
- 35.4. ზეპირი გამოცდების შედეგების „სისზე“ ასახვის, დაკავშირებული საკითხების გასაჩივრებისა და სტუდენტურ საქმეთა განყოფილებაში შედეგების წარდგენის საკითხები მოწესრიგებულია „გამოცდების ჩატარების წესით“ (R03I01G).

**მუხლი 36. შუალედური შეფასება**

- 36.1. შუალედური შეფასების მაქსიმალური ქულა განისაზღვრება კომპონენტის სილაბუსით.
- 36.2. კომპონენტის შუალედური შეფასების არანაკლებ 6 ქულა უნდა ეთმობოდეს აქტიურობის შეფასებას. შესაბამისი კომპონენტის მოთხოვნიდან გამომდინარე, ლექტორი თავისუფალია შუალედური შეფასების ფორმატის განსაზღვრაში.
- 36.3. სემესტრის განმავლობაში დაშვებულია მხოლოდ ერთი შუალედური გამოცდა. შუალედურ გამოცდებს ეთმობათ სემესტრის მე-8 კვირა, ხოლო საბაკალავრო საფეხურზე მე-8 და მე-9 კვირები.

*(ცვლილებები შეტანილია აკადემიური საბჭოს 2018 წლის 11 ივნისის გადაწყვეტილებით, ოქმი N10)*

*(ცვლილებები შეტანილია აკადემიური საბჭოს 2018 წლის 06 სექტემბრის გადაწყვეტილებით, ოქმი N14)*

- 36.4. დასკვნითი შეფასების მიღებისთვის, სტუდენტს გადალახული უნდა ჰქონდეს შუალედური შეფასებისათვის დადგენილი მინიმალური კომპეტენციის ზღვარი.

*(ცვლილებები შეტანილია აკადემიური საბჭოს 2017 წლის 22 აგვისტოს გადაწყვეტილებით, ოქმი N9)*

### **მუხლი 37. დასკვნითი შეფასება**

- 37.1. დასკვნითი შეფასება ხორციელდება სემესტრის ბოლოს.
- 37.2. დასკვნითი შეფასების მაქსიმალური ქულა განისაზღვრება კომპონენტის სილაბუსით.
- 37.3. საბოლოო შეფასების მიზნებისათვის (კრედიტის მინიჭებისათვის) დასკვნითი შეფასების მიღება სავალდებულოა და მიღებულად ითვლება, თუ სტუდენტმა გადალახა დასკვნითი შეფასებისათვის დადგენილი მინიმალური კომპეტენციის ზღვარი.

*(ცვლილებები შეტანილია აკადემიური საბჭოს 2017 წლის 22 აგვისტოს გადაწყვეტილებით, ოქმი N9)*

### **მუხლი 38. აღდგენითი შუალედური გამოცდა/აღდგენითი დასკვნითი შეფასება**

- 38.1. შუალედური გამოცდის გაცდენის შემთხვევაში, სტუდენტი უფლებამოსილია გავიდეს აღდგენით გამოცდაზე სემესტრის მე-11 კვირას.
- 38.2. დასკვნითი შეფასების გაცდენის შემთხვევაში სტუდენტი უფლებამოსილია გავიდეს აღდგენით დასკვნით შეფასებაზე აკადემიური კალენდრით განსაზღვრულ პერიოდში.
- 38.3. სტუდენტი ვალდებულია გამოცდ(ებ)ის გაცდენის საპატიო მიზეზი დაადასტუროს, ფაკულტეტის/სამაგისტრო და სადოქტორო სწავლების ინსტიტუტის საბჭოსთვის საპატიო მიზეზის დამადასტურებელი დოკუმენტების წარდგენის გზით. აღნიშნულ საკითხთან დაკავშირებით საბოლოო და გადაწყვეტილებას იღებს ფაკულტეტის/ სამაგისტრო და სადოქტორო ინსტიტუტის საბჭო.
- 38.4. აღდგენითი გამოცდა/შეფასება ცვლის შუალედური გამოცდის/დასკვნითი შეფასების შედეგს.
- 38.5. დამატებით გამოცდას არ აქვს აღდგენითი გამოცდა.
- 38.6. აღდგენით გამოცდას არ აქვს აღდგენითი გამოცდა.

### **მუხლი 39. დამატებითი გამოცდა**

- 39.1. დამატებით გამოცდაზე გასვლის უფლება აქვს სტუდენტს თუ:
- ა) სტუდენტის ჯამური სემესტრული ქულა (შუალედური შეფასებებისა და დასკვნითი შეფასების ჯამი) არის 41-50 ქულა;

ბ) სტუდენტის ჯამური სემესტრული ქულა (შუალედური შეფასებებისა და დასკვნითი შეფასების ჯამი) არის არანაკლებ 51 და მან ვერ გადალახა დასკვნითი შეფასებისთვის დაწესებული მინიმალური ზღვარი.

- 39.2. დამატებითი გამოცდა ტარდება შესაბამისი დასკვნითი (დასკვნითი ადღგენითი) გამოცდის შედეგების გამოცხადებიდან არაუადრეს 5 კალენდარული დღისა. ეს წესი არ ვრცელდება დისერტაციაზე, სამაგისტრო პროექტზე/ნაშრომზე და სხვა სამეცნიერო პროექტზე/ნაშრომზე.
- 39.3. თითოეულ კომპონენტს აქვს მხოლოდ ერთი დამატებითი გამოცდა.
- 39.4. დამატებით გამოცდაზე მიღებული ქულა ცვლის დასკვნით შეფასებაზე მიღებულ ქულას.
- 39.5. დამატებითი გამოცდის მიმართ მოქმედებს 37.3 პუნქტით განსაზღვრული წესი.

*(ცვლილებები შეტანილია აკადემიური საბჭოს 2017 წლის 22 აგვისტოს გადაწყვეტილებით, ოქმი N9)*

#### **მუხლი 40. სტუდენტის მიღწევების შეფასება**

40.1. საკრედიტო სისტემა უშვებს:

**ა) ხუთი სახის დადებით შეფასებას:**

- ა.ა) (A) ფრიადი – მაქსიმალური შეფასების 91-100 ქულა.
- ა.ბ) (B) ძალიან კარგი – მაქსიმალური შეფასების 81-90 ქულა.
- ა.გ) (C) კარგი – მაქსიმალური შეფასების 71-80 ქულა.
- ა.დ) (D) დამაკმაყოფილებელი – მაქსიმალური შეფასების 61-70 ქულა.
- ა.ე) (E) საკმარისი – მაქსიმალური შეფასების 51-60 ქულა.

**ბ) ორი სახის უარყოფით შეფასებას:**

- ბ.ა) (FX) ვერ ჩააბარა – მაქსიმალური შეფასების 41-50 ქულა, რაც ნიშნავს რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;
- ბ.ბ) (F) ჩაიჭრა – მაქსიმალური შეფასების 40 ქულა და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი.

40.2. ჯამური შეფასებების მიღება ხდება შუალედური შეფასებებისა და დასკვნითი შეფასების დაჯამების საფუძველზე.

**მუხლი 41. GPA და CGPA**

- 41.1. კურსდამთავრებულთა დიპლომის საშუალო ქულის - CGPA-სგამოთვლა ხდება შემდეგი წესის მიხედვით:
- 41.1.1. სასწავლო კურსში მიღებული მიღებული ქულა მრავლდება ამ კურსის კრედიტის რაოდენობაზე - GP (grade point).
  - 41.1.2. სემესტრის განმავლობაში მიღებული GP-ების ჯამი იყოფა სემესტრის განმავლობაში დაგროვებული კრედიტების საერთო რაოდენობაზე - GPA (grade point average).
  - 41.1.3. სემესტრების განმავლობაში მიღებული GP-ების ჯამი იყოფა სტუდენტის მიერ დაგროვებული კრედიტების საერთო რაოდენობაზე - CGPA (Cumulative grade point average).
  - 41.1.4. თუ სტუდენტმა საგანი თავიდან გაიარა, CGPA-ის დათვლის მიზნებისათვის მხედველობაში მიიღება ბოლო GP.
  - 41.1.5. ზემოაღნიშნული წესის შესაბამისად მიღებული ციფრის გადაყვანა ხდება CGPA 1.36-4.00 ნიშნულიან ციფრულ მაჩვენებელში (R3L7) მოცემული ცხრილის შესაბამისად.



## თავი VII. აკადემიური ხარისხის მინიჭება

### მუხლი 42. აკადემიური ხარისხის/კვალიფიკაციის მინიჭება

- 42.1. უმაღლესი განათლების შესაბამისი საფეხურის დასრულების შემდეგ, პირს ენიჭება აკადემიური ხარისხი.
- 42.2. საბაკალავრო და სამაგისტრო პროგრამებზე, აკადემიური ხარისხის მინიჭება ხდება შესაბამისი ფაკულტეტის საბჭოს გადაწყვეტილების საფუძველზე.
- 42.3. სადოქტორო პროგრამაზე, აკადემიური ხარისხის მინიჭება ხდება შესაბამისი ფაკულტეტის სადისერტაციო საბჭოს გადაწყვეტილების საფუძველზე.

### მუხლი 43. დიპლომი და დიპლომის დანართი

- 43.1. უნივერსიტეტის დიპლომს მიიღებს სტუდენტი, რომელმაც შეასრულა საგანმანათლებლო პროგრამის ყველა მოთხოვნა.
- 43.2. შხსუ-ის მიერ მინიჭებული აკადემიური ხარისხი დასტურდება დიპლომითა და დიპლომის დანართით, რომლებიც ხელმოწერილია უნივერსიტეტის რექტორისა და შესაბამისი ფაკულტეტის დეკანის მიერ და დამოწმებულია უნივერსიტეტის ბეჭდით.
- 43.3. დიპლომი „წარჩინებით“ ეძლევა საბაკალავრო პროგრამის კურსდამთავრებულს, რომლის დამრგვალებული საშუალო ქულა არის 86 და მეტი, და სამაგისტრო პროგრამის კურსდამთავრებულს, რომლის დამრგვალებული საშუალო ქულა არის 91 და მეტი.
- 43.4. დიპლომის დაკარგვის ან გამოყენებისათვის უვარგისად გახდომის შემთხვევაში, კურსდამთავრებულის მოთხოვნის საფუძველზე გაიცემა დუბლიკატი.
- 43.5. კურსდამთავრებული უფლებამოსილია მიიღოს დიპლომი, მხოლოდ შემოვლის ფურცლის (R3F3) შევსების შემდეგ, რაც ადასტურებს რომ სტუდენტს არ აქვს დავალიანება უნივერსიტეტის წინაშე.
- 43.6. საგანმანათლებლო საფეხურის დაუსრულებლობის შემთხვევაში, სტუდენტი იღებს შესაბამის ცნობას და ნიშნების ფურცელს.
- 43.7. სტუდენტი, რომელმაც დაასრულა საგანმანათლებლო საფეხური, დიპლომის მიღებამდე უფლებამოსილია მიიღოს შესაბამისი ცნობა.

*(ცვლილებები შეტანილია აკადემიური საბჭოს 2017 წლის 22 აგვისტოს გადაწყვეტილებით, ოქმი N9)*

### მუხლი 44. (ამოღებულია)

*(ცვლილებები შეტანილია აკადემიური საბჭოს 2017 წლის 22 აგვისტოს გადაწყვეტილებით, ოქმი N9)*

**მუხლი 45. დასკვნითი დებულებები**

- 45.1. სამაგისტრო და სადოქტორო პროგრამასთან დაკავშირებული ყველა საკითხი მოწესრიგებულია „სამაგისტრო სწავლების დებულებით“ (R4) და „სადოქტორო სწავლებისა და სადისერტაციო საბჭოს დებულებით“ (R5).
- 45.2. საკითხი, რომელიც არ არის მოწესრიგებული წინამდებარე დებულებით, რეგულირდება „უმაღლესი განათლების შესახებ“ საქართველოს კანონითა და შპს - შავი ზღვის საერთაშორისო უნივერსიტეტის სხვა დებულებებით.
- 45.3. წინამდებარე დებულებაში შესული ნებისმიერი სახის ცვლილება და დამატება მტკიცდება აკადემიური საბჭოს გადაწყვეტილებით.
- 45.4. წინამდებარე წესში მოცემული ვადების დათვლისათვის:
  - ა) ვადის გამოთვლა იწყება იმ კალენდარული თარიღის მომდევნო დღიდან, რომლითაც განსაზღვრულია მისი დასაწყისი;
  - ბ) თუ ვადის უკანასკნელი დღე ემთხვევა უქმე და დასვენების დღეს, ვადის დამთავრების დღედ ჩაითვლება მისი მომდევნო პირველი სამუშაო დღე.

**მუხლი 46. ძალაში შესვლა**

- 46.1. წინამდებარე დებულება ძალაში შედის 2016 წლის 1 სექტემბრიდან.

**მუხლი 47. შესრულებაზე ზედამხედველობა**

- 47.1. წინამდებარე დებულების შესრულებაზე ზედამხედველობას ახორციელებს პრორექტორი სასწავლო დარგში.

უნივერსიტეტის წესების შეუსრულებლობა დაუშვებელია. ყველა ვალდებულია იცნობდეს შხსუ-ს მიერ შემუშავებულ წესებსა და რეგულაციებს.

---

*შხსუ ყველას თანაბარ შესაძლებლობებს სთავაზობს, განურჩევლად სქესის, რასის, ეროვნების, წარმომავლობის, რწმენის, საზოგადოებრივი სტატუსის, ფიზიკური, გონებრივი, ემოციური სხვაობისა და სწავლის განსხვავებული უნარისა.*

---

**გამოსცა:**

**შპს - შავი ზღვის საერთაშორისო უნივერსიტეტი**

დავით აღმაშენებლის ხეივანი, 13 კმ., 2, 0131

თბილისი, საქართველო

[www.ibsu.edu.ge](http://www.ibsu.edu.ge)

[contact@ibsu.edu.ge](mailto:contact@ibsu.edu.ge)

